

1. KE MANG Y O A KA TLIŠAGO MOLATO KGORONG?

- Motho ofe goba ofe ntle le khamphani goba khophoreshene goba asoseishene.
- Motho yo a lego ka fase ga mengwaga e 21 o swanetše go thušwa ke motswadi goba leloko le le mo hlokometšego

2. KLEIMI E KA DIRWA KGHLANO LE MANG

- Ntle fela le mmušo, kleimi e ka dirwa kgahlano le motho goba khamphani, khoporeishene, masepala goba sebopego sefe goba sefe, lefelong le le lego ka fase ga kgoro.

3. O KA KLEIMA BOKAE?

- Tšhelete ye e sa fetego R7000.
- Ge o kleima boleng bjo bo fetago R7000, o tla swanela go bo fokotša gore e kgone go tsenywa kgorong ye.



4. MOHLALA WA MELATO YE E KA TLIŠWAGO KGORONG YE YA DI-KLEIMI TSE NNYANE

- Di-kleimi tša diitšhelete tše di adimilwego
- Di-kleimi tša dithoto tša boleng bjo bo lego ka fase ga R7 000
- Di-kleimi kgahlano le yo a sego a lefa rente, ge fela boleng bja sekoloto bo sa fete R7000
- Di-kleimi tša melato ye e lego di-tokomaneng tša go swana le di-bond, ge fela boleng bja sekoloto bo sa fete R7 000
- Di-kleimi tša melato ya ditumelelano tša dikoloto fao sekoloto se sa fetego R7000

5. KE MELATO EFE YE E SA AMOGELWEGO KE KGORO YE

- Di-kleimi tša melato ye e fetago R7000.
- Di-kleimi tša melato kgahlano le mmušo



- Di-kleimi tša go fedišwa goba go fetišwa ga ditokelo
- Di-kleimi tša melato ya go senywa leina, go bewa molato go sa swanela, go tsenywa kgolegong go se gwa swanela, go swarwa go se gwa swanela, tša thobalano le tshepišo tša lenyalo
- Di-kleimi tša go fedišwa ga manyalo
- Di-kleimi tša phegišano ka ga thato ya mohu
- Di-kleimi ka boitekanelo bja tšhaologanyo ya motho
- Di-kleimi tša gore motho a dire sa gore ntle le kgonagalo ya go lefelela tshenyegelo, ntle le fao go nyakegago gore a hlaloše goba a buše dithoto tša boleng bjo bo sa fetego R7 000.

6. AFA O GAPELETŠEGA GO DIRA KLEIMI YA GAGO KGORONG YA DI-KLEIMI TŠE NNYANE?

- Aowa, o ka ikgethela gare ga kgoro ya di-kleimi tše nnyane le kgoro ya tlwaelo.

7. GO EMELWA KE RAMOLAO

- Go emelwa ke ramolao gago a dumelelwa, eupya wena o ka ikhweletša keletšo go ramolao wag ago pele o tla kgorong ka ditshenyegelo tša gago.
- Bathuši ba molao le klereke ya kgoro batla go thuša ntle le tefo.

8. POLELO

- Maleme ka moka a semmušo a Afrika Borwa a ka šomišwa O swanetše go beakanya le klereke ya kgoro pele ga nako gore a nyake tokoloki, ge e le gore go nale bohlatse bjo bo tla fiwago ka polelo eo e lego gore o mongwe wa batšea-karolo ga a e hloganye gabotse.

9. O TLIŠA BJANG KLEIMI KGORONG

9.1 Dikgato pele ga ge o tliša molato

- Golagana le molatofatšwa ka nama, ka motato goba ka lengwalo gomme o ba kgopele gore ba lefele molato goba

ba kgotsofatše sebakwa.

- Ge ba sa phethagatse kgopelo gona ba ngwalele lengwalo le le ba laelago e bile le hlaloša kleimi ya gago le boleng bjo o be nyakago. Bafe matšatši a 14 gore ba phethiše go latela taelo ya kleimi ya gago.
- Iša lengwalo la taelo ka seatla goba ka poso ya rejistara go molatofatšwa.
- Ge matšatši a 14 a fetile ntle le phethišo, bonana le klereke ya kgoro ka nama gomme o mo bontšhe bohlatse bja gore lengwalo la taelo le fihlile go molatofatšwa.

9.2 O tla o swere eng go Klereke ya kgoro

- Bohlatse bja gore lengwalo la taelo le fihlile go molatofatšwa, bjalo ka silipi sa poso.
- Kontraka goba tokomane efe goba efe ye thekgago kleimi ya gago, goba e amana le yona.
- Leina le aterese ka botlalo tša molatofatšwa. Le dinomoro tša motato tša ka lapeng le tša kgwebo ge go kgonagala.

9.3 Afa modiro wa klereke ya Kgoro ke eng?

- Klereke ya kgoro le mothuši wa molao batla lekola ditokomane tša gago gomme ba go thuša ka go ngwala samane (Taelo ya Kgoro).
- Klereke ya kgoro o tla go tsebiša nako le letšatši la tshoko.
- Klereke ya kgoro e tla ntšha samane gomme a go neela yona.

9.4 O tla dira eng ka samane?

- O ka e iša ka nama go molatofatšwa (leka gore ba e saenele)

GOBA

- O e romele ka Sheriff le ditshenyegelo tša Sheriff yo a swerego selete sa molatofatšwa.

9.5 O dira eng morago ga fao?

- Ge o rometše Sheriff, o swanetše go hwetša bohlatse, pele ga letšatši la tshoko, bja gore molatofatšwa o hweditše samane.
- Boloka kontraka goba ditokomane tseo dihlatselelo kleimi ya gago, kgauswi.
- Tsebiša dihlatse tša gago letšatši le nako ya tshoko gomme o kgonthišiše gore ba ba kgona ka letšatši le nako e e beilwego.

10. DIKGAŦO TSE DITŠEWAGO KE MOGANETŠI GE A FETŠA GO HWETŠA KLEIMI

- A ka lefa kleimi ya molatofatši
- A ka romela statamente sa go itšhireletša go klereke ya kgoro le molatofatši, gomme a akaretša le tlhalošo ya mabaka a go itšhireletša.
- Le ena a ka latofatša molatofatši ka go romela statamente se se ngwadilwego go klereke ya kgoro, gomme a akaretša ditlhalošišo tše di swanago le tše di nyakilwego ka lengwalo leo le mmiletšago kgorong.
- Le ge le ena a latofatša molatofatši, otlamegile go iponagatša kgorong bjale ka ge a biditšwe.

KGORO-TSHEKELO YA DIPAKIŠANO

Di-kleimi tše nnyane



11. O DIRA ENG GE YO O LATOFATŠANAGO LE YENA A KGOTSO FADITŠE DINYAKWA TŠA GAGO?

- O mo neela rasiti.
- Tsebiša klereke ya kgoro ka bonako gore molato o lefilwe. O ka se sa tšwelapele ka tsheko.

12. O DIRA ENG GE MOLATOFATŠWA A SA KGOTSO FADITŠE KLEIMI YA GAGO

12.1 O dira eng ka letšatši le nako ya tsheko?

- O swanetše o iponagatše kgorong ka nama.
- O kgonthišetše gore o swere bohlatse bjo bo ngwadilwego ka moka bjo bo thekgago kleimi ya gago
- O kgonthišetše gore ditlhatse tša gago ka moka di iponagatša kgorong ka nama.
- O be le bohlatse bjo bo ngwadilwego bja gore molatofatšwa o hweditše samane.

12.2 Tsheko

- Tsheko e dirwa ka tselo e bonolo e e sego ya tiwaelo kgorong.
- O kgonthišetše gore o swere bohlatse bjo bo ngwadilwego ka moka bjo bo hlatselago kleimi ya gago
- O kgonthišetše gore dihlatse tša gago ka moka di iponagatša kgorong ka nama.
- Bo-ramolao le baemedi ga se ba dumelwa go go emela kgorong ye.
- Komishinara wa kgoro o tla go laela gore fe bohlatse bja kleimi ya gago. E fa bohlatse ka botlalo ka moo o tsebago ka gona.
- Araba dipotšišo tša khomishinara gomme o neelane ka bohlatse bjo bo ngwadilwego bjo bo thekgago kleimi ya gago.
- Ga se wa dumelwa go botsološa molatofatšwa. Eupya ka tumelole ya khomishinara o ka mmotšiša dipotšišo tše mmalwa.
- Theeletša ditlhalošo tša molatofatšwa ka tlhokomelo gomme o botse khomishinara fao o lemogago e se thereso
- Morago ga gore khomishinara a kwile bohlatse bja gago, bja molatofatšwa le bja dihlatse, kgoro e tla ahlola. Khomishinara a ka le botsa le gore kahlolo ya kgoro e e ngwadilwego fase e tla romelwa ka letšatši le le tlogo.

12.3 Boipiletšo (Appeal)

- Ga gona boipiletšo bjo bo ka dirwago kgahlano le kahlolo goba taelo ya kgoro

- Tshepedišo ya kgoro e ka fetšetšwa kgorong-kgoro ya tsheko ka mabaki a mararo fela:
- Go hloka kahlolo
- Khomishinara e le motho yo a sa tshepagalego, gobaa nale kgatlhego mo molatong goba go nale bohvirihwiri le ge
- Tsheko e se ya sepedišwa ka tshwanelo

12.4 Magato a a latelago sephetho sa kgoro / kahlolo

12.4.1 Ge sephetho se le kgahlano le wena

- Kahlolo ke mafelelo ntle le ge go nale kgonagalo ya go ka lekola sephetho
- O swanetše go lefa ditshenyegelo bjale ka ge kgoro e laetše. Ditshenyegelo tša molatofatši e ka ba tša sheriff ya kgoro fela.
- Hlompha sephetho sa kgoro.

12.4.2 Ge kahlolo e go thekga

- Molatofatšwa o swanetše go go lefa ka bonako go latela sephetho sa kgoro. Gomme wena o swanetše o ba neele rasiti ya tšhelete e ba go lefilego yona.
- Ge molatofatšwa a šitwa go latela sephetho sa kgoro ka bonako, kgoro e tla nyakišiša ditšhelete tša gagwe go bona gore afa o nale bokgoni bja go ka phethiša taelo ya kgoro, gomme kgoro e ka mo gapeletša.

12.4.3 Ge molatofatšwa a palelwa go latela taelo ya kgoro

- Ge molatofatšwa a palelwa go latela taelo ya kgoro ya di-kleimi tše nnyane, gomme wena o nyaka go mo gapeletša gona kgang ye e tla išwa kgorong ya Magistrata le tshepedišo ya yona, go latela Molao wa Kgoro ya Magistrata 32 wa 1944. O eletšwa go šomiša moemedi wa semolao go go latelwa tshepedišo ye.

SA BOHLOKWA

- Pukwana ye e go tsebiša fela ka dikgato tše bohlokwa ge o rata go iša molato kgorong ya Dipakišano tše nnyane.
- Ge o hloka thušo ka kgang efe goba efe, aterese le nomoro ya motato ya klereke ya kgoro ya Dipakišano tše nnyane e ka hwetšwa kantorong ya kgauswi ya Magistrata.

Diragatša kleimi ya gago ka bo wena!